

Diehtobivdda 12.6.2026

Ohcejoga gielda lea vuostáiváldán 12.6.2026 diehtobivdaga, man lea bivdán (maŋŋelabbos dieđubivdi). Dieđubivdi lea vuolláičállán diehtobivdaga ovddasteaddjin.

Diehtobivdda guoská VALO Partners Asianajotoimisto Oy Ohcejoga gildii ráhkadan vuojadanhálla sanerenprošeavtta juridihkalaš čielggadeami, mii lea gieđahallon gielddaráđdehusa čoahkkimis 8.6.2026 (§ 91).

Dieđubivdi lea almmuhan ahte dahká diehtobivdaga lea váidin Ovddidan- ja biraslávdegotti čoahkkima guoski áššis. Diehtobivdda lea girjejuvvon eiseválddi doaimma almmolašvuođas addojuvvon lága (621/1999, maŋŋelis almmolašvuođaláhka, su. julkisuuslaki) mielde diehtobivddan áššeosolačča rollas.

Mearrádus

VALO Partners Asianajotoimisto Oy gildii ráhkadan juridihkalaš čielggadeamis luobahit dieđubivdái elektrovnnalaččat almmolaš osiid numo dán mearrádusa ákkain čilgejuvvo dárkilabbot. Čielggadeami luobaheami ollisin ii sáhte dieđubivdái miedihit, go čielggadeapmi sisttisdoallá almmolašvuođalága vuođul suollemassan oaivilduvvon dieđuid maŋŋelis dán mearrádusas dárkilabbot čilgejuvvon ákkaiguin. Čielggadeapmi luobahuvvo oasseluobaheapmin almmolašvuođalága 10 § mielde nu, ahte suollemassan oaivilduvvon oasit leat gokčojuvvon.

Njuolggadusat mat heivehuvvojit

Almmolašvuođalága 9 § mielde juohke ovtta lea vuoigatvuohta oažžut dieđu eiseválddi áššebáhpáris, mii lea almmolaš.

Almmolašvuođalága 10 § mielde, jus áššebábir lea oassin suollemassan oaivilduvvon, dieđu galgá addit áššebáhpára almmolaš oasis, jus dat lea vejolaš nu, ahte suollemassan oaivilduvvon oassi ii boađe dihtui.

Almmolašlága 11 § 1 momeantta mielde ohccis, váidis ja earás, gean vuoigatvuođa, ovddu dahje geatnegasvuođa ášši guoská (áššeosolaš), lea vuoigatvuohta oažžut eiseválddis, mii gieđahallá dahje lea gieđahallan ášši, dieđu maddái eará go almmolaš áššebáhpára sisdoalus, jus dat lea dahje lea sáhtán váikkuhit su ášši gieđahallamii.

Almmolašvuođalága 11 § 2 momeantta 4 čuoggá mielde áššeosolaččat ii leat ovddabeale 1 momeanttas oaivilduvvon vuoigatvuohta eiseválddi riektegeavvama oassebeallin riektegeavvamii ráhkkaneari várás ráhkadit

dahje háhkát áššebáhpára, jus dieđu addin livččii almmolašservoša dahje 4 § 2 momeanttas oaivilduvvon servoša, lágádusa, searvvi dahje olbmo ovddu vuostá riektegeavvamis.

Almmolašvuodálága 11 § 2 momeantta 6 čuoggá mielde áššeosolaččat ii leat ovddabealde 1 momeanttas oaivilduvvon vuoigatvuohta almmolaš háhkamis nuppi evttohasa dahje fálli fitnodatčiegusvuođa guoski dieđuide; dieđu fáldagaid veardádallamis geavahuvvon ollislašhatis galgá lihkká álo addit.

Almmolašvuodálága 24 § 1 momeantta 17 čuoggá mielde suollemassan oaivilduvvon eiseválddi áššebáhpárat leat áššebáhpárat, mat sisttisdoallet dieđuid gieldda dahje eará almmosservoša fitnodatčiegusvuođas dahje eará sullasaš fitnodatdoaimma guoski áššis, jus dieđu addin dain vahágahtášii almmosservoša ekonomalaččat, buoridivččii gilvohalli doaibmi sajádaga gilvvus dahje heajosmahtášii almmosservoša vejolašvuođaid govtolaš háhkamiidda dahje investeren-, ruhtadan- ja vealggidikšunordnedemiidda.

Áššeosolašrolla árvvoštallan

Dieđubivdi [REDACTED] lea almmuhan ahte lea áššeosolaš ovddidan- ja biraslávdegotti 28.5.2026 § 44 mearrádusa guoski áššis, mii guoská Ohcejoga vuojođanhálla molssodan- ja basadanlanjaid sanerema LVI barggaid.

Dieđubivdi áššeosolašrolla dovddastuvvo daid osiin go nuppástusohcan dán háhkama hárrái lea barggu vuolde dahje boahtimin barggu vuollai ja čielggadeapmi, masa diehtobivdda čuohcá, guoská dán háhkama. Čielggadeapmi goit guoská viidát olles vuojođanhálla sanerenprošeavtta, ja fitnodaga áššeosolašrolla ráddjejuvvo daid čielggadeami osiide, mat gusket LVI-gilvalahttima.

Ákkat

Čielggadeami oasit, mat luobahuvvojit

Dieđubivdái luobahuvvojit čielggadeami almmolaš oasit, mat eai sisttisdoala maŋŋelis čilgejuvvon ákkaiguin almmolašvuodálága vuođu suollemassan oaivilduvvon dieđuid.

Suollemassan oaivilduvvon oasit: Almmolašvuodáláhka (julkisuuslaki) 11 § 2 mom. 4 čuokkis

Almmolašvuodálága 11 § 2 momeantta 4 čuoggá mielde áššeosolaččas ii leat vuoigatvuohta áššebáhpárii, mii lea ráhkaduuvvon dahje háhkkojuvvon eiseválddi riektegeavvamii ráhkkaneari várás, jus dieđu addin livččii almmolašservoša ovdduid vuostá riektegeavvamis.

Ovddidan- ja biraslávdegotti 28.5.2026 § 44 mearrádusa guoski váidda lea dieđubivdi iežas almmuheami mielde jođus dahje boahtimin johtui. Go

čielggadeapmi sisttisdoallá juridihkalaš jurddabohtosiid gieldda meannudeamis LVI-agoartta gilvalahhtimis, dieđu addin čielggadeamis dáid osiin livččii gieldda ovddu vuostá riektegeavvamis.

Suollemassan oaivilduvvon oasit: Almmolašvuodáláhka (julkisuuslaki) 11 § 2 mom. 6 čuokkis

Almmolašvuodálága 11 § 2 momeantta 6 čuoggá mielde áššeosolaččat ii leat oaivilduvvon vuoigatvuohta almmolaš háhkamis nuppi evttohasa dahje fálli fitnodatčiegusvuoda guoski dieđuide; dieđu fálladagaid veardádallamis geavahuvvon ollislašhattis galgá lihkká álo addit.

Čielggadeapmi sisttisdoallá fálli nappo agoartadoalli Timberg Bygg & Renovering Ab fitnodatčiegusvuoda vuollái gulli dieđuid earret fálladagaid ollislašhattiid, maid luobaheapmi vahágahtášii agoartadoalli ekonomalaččat.

Suollemassan oaivilduvvon oasit: Almmolašvuodáláhka (julkisuuslaki) 24 § 1 mom. 17 čuokkis

Almmolašvuodálága 24 § 1 momeantta 17 čuoggá mielde suollemassan oaivilduvvon eiseválddi áššebáhpárat leat áššebáhpárat, mat sisttisdoallet dieđuid gielddafitnodatčiegusvuodain, ja maiddái dakkár áššebáhpárat, mat sisttisdoallet dieđuid eará sullasaš fitnodatdoaimmas, jus dieđu addin sáhtá vahágahttit gieldda ekonomalaččat.

Čielggadeapmi sisttisdoallá gieldda fitnodatčiegusvuoda vuollái gulli dieđuid, maid almmustahttin sáhtá vahágahttit gieldda ekonomalaččat. Dákkár dieđut lea suollemassan oaivilduvvon dán čuoggá vuodul beroškeahhtá das, gulletgo dat njuolga juridihkalaš meannudeapmái, mii lea vel jođus.

Dieđuid addinvuohki Almmolašvuodálága (Julkisuuslaki) 16 § 1 momeantta mielde dieđu áššebáhpára sisdoalus galgá addit bivdojuvvon vugiin, jus bivdaga čuovvun ii áššebáhpáriid stuorra meari dahje áššebáhpára kopierema váttisvuoda dahje eará sullasaš siva dihtii hehte meariheamet virgedoaimma.

Dieđubivdi ii leat diehtobivdagis spesifiseren dieđuid addinvuogi. Čielggadeapmi addo dieđubivdái elektrovnnalaš hámis.

Diehtobivdaga gieđahallanáigi Almmolašvuodálága 14 § 4 momeantta mielde, jus bivdojuvvon áššebáhpárat leat olu dahje dain leat suollemassan oaivilduvvon oasit dahje jus eará dan sullasaš siva dihtii ášši gieđahallan ja čoavdin gáibidit sierradoaimmaid dahje muđuid stuorát bargomeari go dábálaččat, ášši galgá čoavdit ja dieđu almmolaš áššebáhpáris addit mañimustá mánotbaji siste das, go eiseváldi lea ožžon áššebáhpára oažžuma guoski diehtobivdaga.

Diehtobivdaga gieđahallan lea gáibidan stuorát bargomeari go dábálaččat, go čielggadeapmi sisttisdoallá mánvggaid suollemassan oaivvilduvvon osiid, maid lea galgán árvoštallat sierra erenomáš dárkilit.

Ákkastallan, doaibmaváldi Hálldahusjuolggadus (hallintosäytä) § 30 ja 15

Mearrádus lea vuolláičállojuvvon elektrovnnalaččat áššehálldašanvuogádagas.

Ruotsalainen Veli-Matti
Ovddidanhoavda

Oažžu

Dieđubivdi

Diehtun

Gielddaráđđehus

Mearrádus sáddejuvvon

2.7.2026

Váldinvuoigatvuohta

Gielddaráđđehus

Nuppástusohcanrávvagat VÁIDDAČUJUHUS

Dán mearrádussii ohccojuvvo nuppástus hálldahusváidagiin.

Váidinvuoigatvuohta

Dán mearrádussii oažžu ohcat nuppástusa dat, geasa mearrádus lea čujuhuvvon dahje gean vuoigatvuhtii, geatnegasvuhtii dahje ovdui mearrádus njuolga váikkuha ja dat, gean váidinvuoigatvuođas lágas sierra áсахuvvo. Eiseváldi oažžu ohcat nuppástusa váidimiin maiddá, jos váidimii lea dárbu almmolaš ovddu dihte, man eiseváldi gohcá.

Váidináigi

Váiddavirgeoapmahaš Vuigengáibádusa galgá dahkat 30 beaivve geažes das, go lea ožžon mearrádusa diehtun.

Gehččojuvvo ahte virgeoapmahažžii doaimmahuvvon elektrovnnalaš áššebábir lea boahtán áiggil, jus áššebábir boahtá maŋimustá mearreáiggi maŋimus beaivvi áigge. Báberveršuvnna váidagis galgá doaimmahit váiddaeiseváldái maŋimustá váidináiggi maŋimuš beaivve ovdal, go váiddaeiseváldi doaimmahat giddejuvvo.

Go geavahuvvo dábálaš elektrovnnalaš diehtunaddin, de gehččojuvvo, ahte áššeosolaš lea ožžon mearrádusas dieđu, jos ii eará čájehuvvo, goalmát beaivve dieđu sáddemis. Reivepoastan sáddejuvvon dieđuaddima buohta gehččojuvvo, ahte áššeosolaš lea ožžon mearrádusas dieđu, jos ii eará čájehuvvo, čieža beaivve geažes reive sáddemis. Gehččojuvvo goittotge, ahte eiseváldi lea ožžon mearrádusas dieđu dan beaivve, go reive lea boahtán.

Diehtunoažžunbeaivi ii rehkenastojuvvo váidináigái. Jos váidináiggi maŋimuš beaivi lea bassebeaivi, iehčanasvuođabeaivi, válbormeaivi, juovla- dahje mihcamárruohtta dahje árgalávvardat, de váidaga oažžu dahkat vuosttas árgabeaivve dan maŋŋá.

Váiddaeiseváldi

Gielddaváidda dahkkojuvvo Davvi-Suoma hálldahusriektái.

Váidda hálldahusriektái dahkko vuosttassajis hálldahus- ja sierraduopmostuoluid áššiiddikšunbálvalusas čujuhusas <https://asiointi.oikeus.fi/hallintotuomioistuimet/>.

E-poasta: pohjois-suomi.hao@oikeus.fi

Telefonnummir: 029 56 42800

Poastačujuhus: PL 189, 90101 OULU

Uksačujuhus: Torikatu 34-40, 90100 OULU

Váidaga hápmi ja sisdoallu

Váidaga galgá dahkat čálalaččat ja vuosttassajis hálldahus- ja sierraduopmostuoluid § 4/2026 áššiiddikšunbálvalusas. Maiddá eará elektrovnnalaš áššebábir deavdá čálalaš hámi gáibádusa.

Váidagis galgá almmuhit:

- mearrádusa, masa ohcá nuppástusa (váidinvuloš mearrádus);
- man dáfus mearrádussii ohcá nuppástusa ja maid nuppástusaid dasa gáibida (gáibádusat);
- gáibádusaid ákkat;
- masa váidinvuoigatvuohta vuodđuduvvá, jos váidinvuloš mearrádus ii guoskka váidi.

Váidagis galgá lassin almmuhit váidi nama, persovdnadovddaldaga dahje fitnodat/searvedovddaldaga ja oktavuohtadieđuid. Maiddái ruoktogieldda gánneha almmuhit. Jos sátneválddi geavaha váidi lágalaš ovddasteaddji dahje fápmuduvvon olmmoš, de maiddái su oktavuohtadieđuid galgá almmuhit. Jos oktavuohtadieđut rivdet dalle, go váidda lea biddjojuvvon johtui, galgá dieđuid rievdamis almmuhit hálldahusduopmostullui farggamusat.

Váidagis galgá almmuhit maiddái dan elektrovnnalaš čujuhusa dahje eará čujuhusa, masa riektegeavvama áššegirjjiid sáhhtá sáddet (proseassačujuhus). Váidaga dahje eará áššebáhpára doaimmaheapmi hálldahusduopmostuolu elektrovnnalaš áššehasbálvalussii gehččo almmuhussan elektrovnnalaš áššehasbálvalusa geavaheamis proseassačujuhussan. Jos váidi lea almmuhan eambbo go ovttá proseassačujuhusa, de hálldahusduopmostuollu sáhhtá válljet, guđemuš almmuhuvvon čujuhussii dat doaimmaha riektegeavvama áššebáhpáriid.

Váidagii galgá laktit:

- váidinvuloš mearrádusa ja váiddačujuhusa;
- čielggadusa das, goas váidi lea ožžon mearrádusa diehtun dahje eará čielggadusa váidináiggi álgínbeaivvis;
- áššebáhpáriid, maid váidi geavaha gáibádusaidis doarjjan, jos dat eai leat juo ovdal doaimmahuvvon virgeoapmahažžii.

Riektegeavvanmáksu

Das, gii bidjá nuppástusohcanášši johtui, berrojuvvo riektegeavvanmáksu dan mielde, mii duopmostuollomáksolágas (tuomioistuinmaksulaki) (1455/2015) ásahuvvo. Diehtu riektegeavvanmávssuin gávdno Duopmostuollolágádusa (Tuomioistuinlaitos) siidduin.

Beavdegirji

Lassedieđuid mearrádusas sáhhtá bivdit Ohcejoga gieldda girjenkantuvrras.

Poastačujuhus: PL 41, 99980 Ohcejohka
 Uksačujuhus: Luossa 1 a, 99980 Ohcejohka
 E-poasta: kunnanvirasto@utsjoki.fi

Gielddadállu lea rabas vuossárggas gaskavahkkui dii 9.00-15.00.
 Gielddadállu lea gitta 1.7.–31.7.2026.